



Na osnovu čl. 15., 16., 19. i 20. Zakona o budžetima u Federaciji Bosne i Hercegovine („Službene novine FBiH“, br: 102/13, 9/14, 13/14, 8/15, 91/15, 102/15, 104/16 i 5/18), Ministar finansija donosi

**IZMJENE I DOPUNE BUDŽETSKIH INSTRUKCIJA BR. 2.:  
IZRADA ZAHTJEVA ZA DODJELU SREDSTAVA IZ BUDŽETA  
KANTONA SARAJEVO ZA 2018. GODINU**

Sarajevo, juni 2018. godine



**web:** <http://mf.ks.gov.ba>  
**e-mail:** [min.finansija@ks.gov.ba](mailto:min.finansija@ks.gov.ba);  
Tel: + 387 (0) 33 565-005, Cent.+ 387 (0) 33 565-000  
Fax: + 387 (0) 33 565-052 i 565-048  
Sarajevo, Maršala Tita 62



## Uvod

Skupština Kantona Sarajevo je 20.12.2017. godine donijela Budžet Kantona Sarajevo za 2018. godinu.

U skladu sa dostavljenim revidiranim projekcijama prihoda za 2018. godinu od strane Federalnog ministarstva finansija (broj: 05-14-2-3186-1/18 od 15.05.2018. godine) koje iskazuju rast prihoda od poreza na dobit u odnosu na prethodne Ministarstvo finansija Kantona Sarajevo je informisalo Vladu Kantona Sarajevo o sljedećem:

Projekcijama od Federalnog ministarstva finansija za period 2018 – 2021 godina koje obuhvataju revidirane projekcije direktnih i indirektnih poreza Kantona Sarajevo za 2018. godinu predviđeno je ukupno povećanje prihoda u odnosu na usvojeni Budžet Kantona Sarajevo za 2018. godinu, kako slijedi:

	<b>Budžet KS 2018</b>	<b>Nove projekcije</b>	<b>Razlika</b>
Porez na dobit	110.970.000,00	120.086.183,54	9.116.183,54
Porez na dohodak	129.688.900,00	135.519.930,04	5.831.030,04
Indirektni porezi Kantona Sarajevo	393.208.100,00	387.411.020,39	-5.797.079,61
Indirektni porezi Direkcije za puteve	9.220.600,00	8.950.985,32	-269.614,68
<b>Ukupno:</b>	<b>643.087.600,00</b>	<b>651.968.119,29</b>	<b>8.880.519,29</b>

Uvidom u ostvarene prihode u proteklom periodu (01.01.-21.05.2018. godine), konstatujemo da je iskazani rast prihoda od poreza na dobit u dostavljenim projekcijama evidentan jer je u odnosu na isti period 2017. godine ostvareno za 6,9 mil KM više.

Osim revidiranih projekcija očekuje se povrat sredstava od neutrošenih projekta iz prethodnih godina čime bi se pozicija prihoda – Ostali povrati povećala za iste, a vraćena sredstva iskoristila za kapitalne projekte čija je realizacija izvjesna do kraja 2018. godine.

U skladu sa dostavljenim revidiranim projekcijama i potrebom finansiranja ključnih kapitalnih projekata iz oblasti saobraćaja koji će doprinijeti razvoju, a za koje je Vlada Kantona Sarajevo usvojila određene zaključke, kao i zbog potrebe prestrukturiranja rashodovne strane Budžeta Kantona Sarajevo za 2018. godinu u dijelu bruto plaća (jer su sredstva za novu osnovicu od 290 KM koja je amandmanima na Budžet Kantona Sarajevo za 2018. godinu uvrštena, planirana na Tekućoj rezervi), Ministarstvo finansija Kantona Sarajevo, u skladu sa Programom rada Vlade i Skupštine Kantona Sarajevo za 2018. godinu predložilo je Vladi Kantona Sarajevo da krene u proceduru izrade Prijedloga izmjena i dopuna Budžeta Kantona Sarajevo za 2018. godinu po skraćenom postupku.

Vlada Kantona Sarajevo je Zaključkom broj: 02-05-23972-1/18 od 01.06.2018. godine prihvatila navedenu informaciju i zadužila Ministarstvo finansija Kantona Sarajevo da krene u proceduru izmjene i dopuna Budžeta Kantona Sarajevo za 2018. godinu, po hitnom postupku (Zaključak u prilogu).

U skladu sa članom 37. Zakona o budžetima u Federaciji BiH („Službene novine FBiH“, br: 102/13, 9/14, 13/14, 8/15, 91/15, 102/15, 104/16 i 5/18), izmjenama i dopunama budžeta ponovo se uravnotežuju prihodi i primici, odnosno rashodi i izdaci budžeta.

Ministarstvo finansija Kantona Sarajevo dužno je postupati u skladu sa Zakonom o budžetima u FBiH i poštujući odredbe člana 43. navedenog zakona pribaviti mišljenje Federalnog ministarstva finansija prilikom planiranja prihoda budžeta.

\* \* \*

U skladu sa članom 19. Zakona o budžetima u FBiH („Službene novine FBiH“, br: 102/13, 9/14, 13/14, 8/15, 91/15, 102/15, 104/16 i 5/18), Instrukcije broj 2. sadrže:

### **1. Osnovne ekonomske pokazatelje**

Osnovni ekonomski pokazatelji za 2018. godinu sadržani su u dokumentu „Smjernice ekonomske i fiskalne politike Kantona Sarajevo za period 2018 – 2020“ koje se nalaze na web stranici Ministarstva finansija Kantona Sarajevo.

### **2. Način izrade budžeta**

Potrebno je da resorana ministarstva u skladu sa navedenim Zaključkom dostave zvaničan zahtjev za izmjene i dopune Budžeta Kantona Sarajevo za 2018. godinu **u kojem će obrazložiti nove projekte ili povećanje postojećih pozicija iz prvobitno usvojenog Budžeta Kantona Sarajevo za 2018. godinu.**

Ministarstvo finansija KS će u izmjene i dopune Budžeta Kantona Sarajevo za 2018. godinu uvrstiti sljedeće:

- a) preraspodjelu rashodovne strane Budžeta u dijelu bruto plaća i doprinosa, jer su sredstva za novu osnovicu od 295 za policijske službenike i 290 KM za ostale budžetske korisnike koja je amandmanima na Budžet Kantona Sarajevo za 2018. godinu uvrštena, planirana na Tekućoj rezervi;
- b) razgraničena sredstva sa naznakom na kojoj poziciji su razgraničena i u kojem iznosu, što mora biti u skladu sa usvojenim Zaključkom o unosu razgraničenih sredstava (donacije, transferi, primici, namjenska sredstva i krediti),
- c) unose sopstvenih prihoda, donacija, transfera i namjenskih sredstava,
- d) sve provedene preraspodjele,

### **3. Rokovi za izradu budžeta (Izmjene i dopune Budžeta Kantona Sarajevo za 2018. godinu)**

<b>Ključni zadaci</b>	<b>Rezultati</b>	<b>Odgovorna ustanova</b>	<b>Ključni datumi</b>
1. Pripreme Izmjena i dopuna Instrukcija broj 2. za budžetske korisnike	Pripremljene Izmjene i dopune Instrukcija broj 2.	Ministarstvo finansija	01. juni 2018.
2. Kreiranje dokumentacije za budžetske korisnike u vezi izrade Izmjena i dopuna Budžeta Kantona Sarajevo za 2018. godinu	Slanje Izmjena i dopuna Instrukcija broj 2. za budžetske korisnike sa odgovarajućim tabelama	Ministarstvo finansija	04. juni 2018.
3. Zahtjevi budžetskih korisnika za Izmjena i dopuna Budžeta KS za 2018. godinu	Budžetski zahtjevi finalizirani i dostavljeni Ministarstvu finansija	Budžetski korisnici	Do 04. juna 2018.

4. Usvajanje Prijedloga Izmjena i dopuna Budžeta Kantona Sarajevo za 2018. godinu od strane Vlade	a. Podnošenje Prijedloga Izmjena i dopuna Budžeta Kantona Sarajevo za 2018. g. Vladi	Ministarstvo finansija	07. juni 2018.
	b. Usvajanje Prijedloga Izmjena i dopuna Budžeta KS za 2018. g. od strane Vlade	Vlada Kantona Sarajevo	07. juni 2018.
5. Razmatranje i usvajanje Prijedloga Izmjena i dopuna Budžeta Kantona Sarajevo za 2018. godinu na Skupštini	a. Podnošenje Prijedloga Izmjena i dopuna budžeta KS za 2018. g. Skupštini KS	Vlada Kantona Sarajevo	08. juni 2018.
	b. Skupština usvaja Prijedlog Izmjena i dopuna budžeta KS za 2018. godinu	Skupština Kantona Sarajevo	20. juni 2018.

#### **4. Gornja granica rashoda za Izmjene i dopune Budžeta Kantona Sarajevo za 2018. godinu**

Gornja granica rashoda za Izmjene i dopune Budžeta Kantona Sarajevo za 2018. godinu treba da predstavlja početni nivo rashoda koji je odobren Budžetom Kantona Sarajevo za 2018. godinu korigovan za iznose i ostale korekcije utvrđene u naprijed navedenom Zaključku Vlade KS

\* \* \*

**Zahtjev za dodjelu sredstava iz izmijenjenog i dopunjenog Budžeta Kantona Sarajevo za 2018. godinu treba se dostaviti Ministarstvu finansija Kantona Sarajevo do 04.06.2018. godine u formi ovjerenog zahtjeva i elektronskoj formi, pridržavajući se naprijed navedenog Zaključka.**

**Potrebno je da resorna ministarstva objedine zahtjeve svojih potrošačkih jedinica i objedinjene zahtjeve ovjerene i potpisane dostave Ministarstvu finansija, pridržavajući se gore navedenog roka.**



**MINISTAR**

**Prof. dr. Jasmin Halebić**

Broj: 08-01-14-22935-1/18  
Sarajevo, 04.06.2018. godine